



Broj: 08-30-2-4247/24

Datum: 31.12.2024.godine

Na osnovu člana 8. Zakona o ministarskim, vladinim i drugim imenovanjima u Federaciji Bosne i Hercegovine („Službene novine Federacije Bosne i Hercegovine“ broj 34/03 i 65/13), a u vezi člana 33. i člana 35. Zakona o pravobranilaštvu („Službene novine Zeničko-dobojskog kantona“, broj 12/13), te člana 30. Statuta Općine Tešanj („Službene novine Općine Tešanj“ broj 11/07) Općinski načelnik objavljuje

JAVNI KONKURS za izbor i imenovanje Općinskog pravobranioca Općine Tešanj

I Naziv pozicije

Općinski pravobranilac Općine Tešanj- 1 (jedan) izvršilac, na period od četiri godine

II Opis pozicije

Općinski pravobranilac je zakonski zastupnik općine koji preuzima pravna sredstva i mjere radi pravne zaštite imovine i imovinskih interesa općine i koji obavlja druge poslove određene zakonom, rukovodi radom pravobranilaštva, stara se da svi poslovi i radni zadaci budu obavljani zakonito, stručno i blagovremeno, predstavlja pravobranilaštvo pred drugim organima i organizacijama, preuzima mjere za unapređenje organizacije rada općinskog pravobranilaštva, učestvuje u radu u svim predmetima u pravobranilaštvu, izrađuje godišnji izvještaj o radu općinskog pravobranilaštva, te radi na drugim analizama, informacijama i izvještajima, donosi pravilnik o unutrašnjoj organizaciji, te učestvuje u donošenju ostalih normativnih akata općinskog pravobranilaštva, daje pravna mišljenja u postupku donošenja općih akata koji uređuju imovinsko-pravne odnose, prava i obaveze prema stvarima u vlasništvu općine Tešanj, zastupa općinu Tešanj u sudskim i upravnim postupcima u kojim Općina ima položaj i prava stranke u postupku u skladu sa zakonom, ako općinski načelnik ne odluči drugačije, obavlja i druge poslove i zadatke za koje je ovlašten prema Zakonu o pravobranilaštvu.

III Kandidat za imenovanje Općinskog pravobranioca dužan je da ispunjava sljedeće uslove:

Opći uslovi:

- da je državljanin Bosne i Hercegovine,
- da je zdravstveno sposoban za obavljanje posla za poziciju za koju se kandiduje,
- da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od 3 godine prije dana objavljivanja javnog konkursa,
- da se na njega ne odnose odredbe člana IX. 1 Ustava Bosne i Hercegovine,
- da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“ br. 34/03 i 65/13),
- da nije član organa zakonodavane, izvršne ili sudske vlasti ili savjetnik u smislu Zakona o sukobu interesa u organima vlasti u Federaciji BiH („Službene novine Federacije BiH“, broj: 70/08),
- da nije osuđen za krivično djelo koje predstavlja smetnju za imenovanje na predmetnu poziciju.

Posebni uslovi:

- da ima VSS, VII stepen stručne spreme visokog obrazovanja, diploma visokog obrazovanja, odnosno prvog (najmanje 240 ECTS bodova), drugog ili trećeg ciklusa Bolonjskog sistema studiranja pravne struke,
- da ima položen pravosudni ispit,
- da ima najmanje četiri godine radnog iskustva nakon položenog pravosudnog ispita na pravnim poslovima u pravobranilaštvu, pravosudnim organima i drugim državnim organima, privrednim društvima/preduzećima i drugim pravnim osobama.

IV Potrebni dokumenti

Kao prijavu na javni konkurs kandidat je obavezan priložiti sljedeće dokumente (original ili ovjerenu kopiju):

1. prijavu na konkurs svojeručno potpisanu uključujući biografiju, adresu i broj kontakt telefona,
2. diplomu o završenom fakultetu - VSS, VII stepen stručne spreme visokog obrazovanja, diploma visokog obrazovanja, odnosno prvog (najmanje 240 ECTS bodova), drugog ili trećeg ciklusa Bolonjskog sistema studiranja pravne struke,
3. uvjerenje o položenom pravosudnom ispitu,
4. dokaz o radnom iskustvu sa najmanje četiri godine poslije položenog pravosudnog ispita (uvjerenje ili potvrda poslodavca, potvrda ili uvjerenje Porezne uprave)
5. ovjerena izjava kandidata da:
 - nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine prije dana objavljivanja javnog konkursa;
 - nije obuhvaćen odredbama člana IX 1. Ustava Bosne i Hercegovine;
 - nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine;
 - da nije osuđen za krivično djelo koje predstavlja smetnju za imenovanje na predmetnu poziciju.

V Intervju i dodatna dokumentacija

Sa kandidatima koji budu ispunjavali sve potrebne uslove obaviti će se intervju.

Kandidat koji bude izabran za mjesto Općinskog pravobranioca dužan je u roku od 8 (osam) dana od dana izbora dostaviti sljedeće dokumente (ne starije od 3 mjeseca):

- uvjerenje o državljanstvu i
- uvjerenje o zdravstvenoj sposobnosti.

VI Adresa i rok za prijavu

Općinski pravobranilac se imenuje na period od četiri godine, sa mogućnošću ponovnog imenovanja.

Javni konkurs će biti objavljen u „Službenim novinama Federacije BiH“, dnevnom listu „Oslobođenje“ i na web stranici Općine Tešanj.

Prijavu na javni konkurs s traženim dokumentima potrebno je dostaviti u zatvorenoj koverti u roku od 15 dana od dana objave javnog konkursa u "Službenim novinama Federacije BiH", na adresu:

Općina Tešanj, Trg Alije Izetbegovića 1, 74260 Tešanj, sa naznakom „Prijava na javni konkurs za imenovanje Općinskog pravobranioca Općine Tešanj broj 08-30-2-4247/24“

Nepotpune, neblagovremene i neuredne prijave neće se uzeti u razmatranje.

Dostaviti:

1. Internet stranica Općine Tešanj,
2. „Službene novine FBiH“
3. Dnevni list „Oslobođenje“
4. Oglasna ploča
5. Arhiva

